

սուերք ելլն հաւաքելու իբր լիազօր-հաստատագիր Տէր Սարգիս վրդ.ին ձեռօք. նոյն կոնդակին մէջ կը յիշուին Լեհաստանի Իրոյ, Սսանխարս, Ջսոնոցս, Պրօս, Եսպրոյցս և Կամիւնից քաղաքները, ուր կը բնակէին հայերը, կոնդակին համաձայնութեան զանդակութիւնը այս է. «այս ին. տարիէ որ առ ձեզ նուիրակ անուն զօք չեմք ուղարկեալ . . . վասն որոյ առաքեցաք առ ձեզ աստուածասիրութիւնն զմեր հոգևոր և սիրելի որդին զՏէր Սարգիս Եսրոնայ վրդ.ն հանդերձ այսու Օրհնութեան կոնդակաւ . . . : Իսկ ի գալ առ ձեզ սիրելի որդւոյն մերոյ Սարգիս վարդապետիս ի մի վայր ժողովեալ զմիմեանս յորդորեսչիք և սիրով միարանիք լաւ և արդիւնաւոր ժողով աւնիցէք ի միջի ձերում յանուն սրբոյ Երուսաղէմայ և տայք ի ձեռն սիրելի որդւոյն մերոյ և յլն.» : Վերջը կը գրէ. «գրեցաւ ՌձԼԱ. (= 1682) Հայոց թուին և ի յամեսանն Օգոստոսի հինգ, յաւուր շաբաթի, ի մայրաքաղաքն Կոստանդնուպօլիս. ի դունն Սուրբ Աստուածածին եկեղեցւոյն.» :

Մարտիրոս պարք. ունի մագաղաթեայ ձեռագիր Աստուածաշունչ մը (ՄՁ. Թ. 150), ընդօրինակուած Պոլիս ՌձԺԴ (= 1665) թուականին, որ կը յիշուի Թէոդորոս պարք.ի 1817 թուական ցուցակին մէջ :

Ղրիմցիին ունի նաև գրաւոր աշխատութիւններ և երգիծական ոտանաւորներ, որոց ցուցակը տեսնել (Տաշ. Յոց. էջ, 1112) : Ս. Յակօբի իր տուած ուրիշ յիշատակներուն մասին (տե՛ս ՄՁ. Թ. 532) :

ՄԱՐՏԻՐՈՍ (մե՛ս.) ՋՈՒՂԱՅԵՑԻ. — Վաճառական Ագրա քաղաքի (Հնդկաց) և բարեգործ. 1611 էն առաջ՝ ուխտաւորութեամբ այցելած է Ս. Յակօբի վանքը, ինչպէս նաև Հոովմ եւ ուրիշ ուխտատեղիներ : Իր մասին 1612 ին գովեստով տեղեկագրած է յիսուսեան կրօնաւոր մը Joao de Velasco հոգևոր իշխանութեան ուղղեալ գրով մը. մանրամասնութիւնները, ինչպէս մհտ. Մարտիրոսի տապանագիրը և մատրան շինութեան պարագաները տեսնել (Հա. 1922, էջ 489 — 90, ընդօր. 1925, էջ 340—46) :

ՄԱՐՏԻՐՈՍ ՎՐԴ. ԲԱՂԻՇԵՑԻ. — Մբ. ՏՀ. կը վախճանի 1734 ին : Իր տապանագիրն է հետեւեալը. «այս է տապան հան-